

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10 i 3/23), na prijedlog premijera Zeničko-dobojskog kantona, Vlada Zeničko-dobojskog kantona, na 121. sjednici, održanoj 13.03.2026. godine, d o n o s i

ZAKLJUČAK

I.

Utvrđuje se Prijedlog Zakona o izmjeni Zakona o utvrđivanju i obilježavanju Dana Zeničko-dobojskog kantona.

II.

Zaključak sa Prijedlogom Zakona o izmjeni Zakona iz tačke I. ovog zaključka upućuje se u daljnju skupštinsku proceduru po skraćenom postupku.

III.

Zaključak stupa na snagu danom donošenja.

Broj: 02-02-2010 /26
Datum, 13.03.2026. godine
Zenica

DOSTAVLJENO:
1x Ured premijera,
1x Stručna služba Skupštine,
1x a/a.



PREMIJER

Nesir Pivić

PRIJEDLOG

Na osnovu člana 37. tačka f) Ustava Zeničko-dobojskog kantona („Službene novine Federacije BiH“, broj: 7/96, „Službene novine Zeničko-dobojskog kantona“, broj: 1/96, 10/00, 8/04 i 10/04), Skupština Zeničko-dobojskog kantona, na ___ sjednici, održanoj dana __. __.2026. godine, d o n i j e l a je:

ZAKON O IZMJENI ZAKONA O UTVRĐIVANJU I OBILJEŽAVANJU DANA ZENIČKO-DOBOJSKOG KANTONA

Član 1.

(Izmjena člana 3.)

U Zakonu o utvrđivanju i obilježavanju Dana Zeničko-dobojskog kantona („Službene novine Zeničko-dobojskog kantona“ broj: 6/13), član 3. mijenja se i glasi:

„ Član 3.

(Program obilježavanja Dana Kantona)

(1) Program obilježavanja Dana Kantona donosi Vlada Zeničko-dobojskog kantona svake godine, kao sastavni dio Programa obilježavanja značajnih datuma, koji se donosi za svaku kalendarsku godinu.

(2) Prijedloge za izradu Programa iz stav (1) ovog člana, dužni su, u okviru svoje nadležnosti, dostaviti kantonalna ministarstva i Stručna služba Skupštine.“

Član 2.

(Stupanje na snagu)

Ovaj Zakon stupa na snagu narednog dana od dana objavljivanja u "Službenim novinama Zeničko-dobojskog kantona".

Broj: 01-_____/26
Datum, __. __.2026. godine
Z e n i c a

PREDSJEDAVALAČI

Ćazim Huskić

O B R A Z L O Ž E N J E

I - USTAVNI OSNOV ZA DONOŠENJE ZAKONA

Ustavni osnov za donošenje ovog zakona sadržan je u odredbi člana 37. Ustava Zeničko-dobojskog kantona kojom se propisuje da Skupština Kantona donosi zakone i ostale propise za izvršavanje kantonalnih nadležnosti.

II – RAZLOZI ZA DONOŠENJE

Razlozi za donošenje su namjera da sastavni dio Programa obilježavanja značajnih datuma, koji donosi Vlada Kantona za svaku kalendarsku godinu, bude i obilježavanje 29. augusta - Dana Zeničko-dobojskog kantona, kao jednog od značajnih datuma i događaja na području Zeničko-dobojskog kantona, u kojem bi se predvidjeli nosioci aktivnosti i realizacije, te način obilježavanja Dana Zeničko-dobojskog kantona, kao i finansiranje i planirana medijska podrška i promocija aktivnosti radi šireg informisanja javnosti. Ovakav način planiranja obilježavanja 29. augusta - Dana Zeničko-dobojskog kantona, pruža veće mogućnosti njegovog što svečanijeg i dostojanstvenog obilježavanja, u odnosu na dosadašnje vrlo skromne načine obilježavanja ovog značajnog datuma za Zeničko-dobojski kanton.

Obzirom da je članom 160. Poslovna skupština Zeničko-dobojskog kantona – Četvrti prečišćeni tekst („Službene novine Zeničko-dobojskog kantona“, broj: 5/24), predviđena mogućnost donošenja zakona po skraćenom postupku kada nije u pitanju složen i obiman zakon, posebno jer se je u pitanju smao jedna izmjena, stoga Ured premijera predlaže Vladi Zeničko-dobojskog kantona da usvoji i uputi u daljnju proceduru ovaj zakon po skraćenom postupku o čemu će se odlučiti na sjednici Skupštine Zeničko-dobojskog kantona.

III – PRAVNA RJEŠENJA

Članom 1. predviđa se izmjena člana 3. Zakona o utvrđivanju i obilježavanju Dana Zeničko-dobojskog kantona („Službene novine Zeničko-dobojskog kantona“ broj: 6/13), na način da Program obilježavanja Dana Kantona donosi Vlada Zeničko-dobojskog kantona svake godine, kao sastavni dio Programa obilježavanja značajnih datuma, koji se donosi za svaku kalendarsku godinu, te da su prijedloge za izradu ovog Programa, dužni, u okviru svoje nadležnosti, dostaviti kantonalna ministarstva i Stručna služba Skupštine.

Članom 2. reguliše se stupanje na snagu navedenog Zakona i njegovo objavljivanje u "Službenim novinama Zeničko-dobojskog kantona".

IV. FINANSIJSKA SREDSTAVA POTREBNA ZA PROVOĐENJE ZAKONA:

Za provođenje navedenog Zakona neće biti potrebna dodatna sredstva u Budžetu Zeničko-dobojskog kantona za 2026. godinu, osim planiranih sredstava, a u slučaju potrebe za dodatnim sredstvima nosioci obilježavanja su dužni ista obezbjediti unutrašnjim preraspodjelama.

- (6) U dosadašnjoj tački c) iza riječi „vatrenog“ dodaju se sljedeće riječi „i sportskog.“
- (7) U dosadašnjoj tački d) u zagradi iza tačke dodaju se riječi „stav (3).“
- (8) Iza tačke u) dodaje se nova tačka v) koja glasi:
„v) postupi protivno odredbama člana 18. stav (2).“
- (9) Stav (4) mijenja se i glasi:
„(4) Pored novčane kazne, za prekršaj iz stava (1) tačke a), d), e), j), l), n), s) i u) i stava (2) tačke b) i e) ovog člana izreći će se i zaštitna mjera oduzimanja predmeta, a za prekršaje iz stava (1) tačke m), t), r), s) i v) i stava (2) tačke a), b) i c), izreći će se i zaštitna mjera zabrane vršenja djelatnosti do šest mjeseci.“

Član 29.

(Izmjene i dopune člana 58.)

- (1) U članu 58. stav (1) tačka a) tekst u zagradi se mijenja i glasi “(član 7.; član 14.; član 15.; član 16.; član 12. stav (7); član 18. stav (5); član 32.; 36.; 37.; 38. i član 39. stav (1); član 12. stav (9); član 17. stav (4); član 19. stav (1); član 31.; član 44.; član 50. stav (1) i (2))“.
- (2) Tačka b) mijenja se i glasi: „programu obuke, sastavu, načinu rada, osposobljavanja i ocjene osposobljenosti za rukovanje vatrenim oružjem, te troškovima rada komisija (član 9c. stav (3))“.

Član 30.

(Izmjene člana 59.)

- (1) U članu 59. stav (1) riječ “tri” zamjenjuje se riječju “četiri”.
- (2) U stavu (2) riječ “(7)” zamjenjuje se riječju “(6)”.
- (3) U stavu (3) riječ “(8)” zamjenjuje se riječju “(7)”.

Član 31.

(Izmjene člana 60.)

U članu 60. stav (2) riječi “8., 9. i 11.” zamjenjuju se riječima “8. i 10.”

Član 32.

(Usklađivanje djelatnosti i stupanje na snagu)

- (1) Pravno lice i obrtnik iz člana 40. i 45. ovog zakona koji na dan stupanja na snagu ovog zakona obavljaju djelatnost prometa oružja, dijelova za oružje i muni-

cije, odnosno popravljaju i prepravljaju oružja, dužno je svoje poslovanje uskladiti sa odredbama ovog zakona u roku od šest mjeseci od dana stupanja na snagu ovog zakona.

- (2) Listu zdravstvenih ustanova iz člana 9b. stav (2) Ministarstvo zdravstva Zeničko-dobojskog kantona će utvrditi u roku od 30 dana od dana stupanja na snagu ovog zakona.
- (3) Ovlašćuje se Zakonodavno-pravna komisija Skupštine Zeničko-dobojskog kantona da utvrdi prečišćeni tekst Zakona o nabavljanju, držanju i nošenju oružja i municije.
- (4) Ovaj zakon stupa na snagu osmog dana od dana objavljivanja u “Službenim novinama Zeničko-dobojskog kantona”.

Broj: 01-02-10488/13

Datum, 07.05.2013. godine

Zenica

PREDSJEDAVALAČI

Sretko Radišić, s.r.

154.

Na osnovu člana 37. tačka f) Ustava Zeničko-dobojskog kantona („Službene novine Federacije BiH“, broj: 7/96, „Službene novine Zeničko-dobojskog kantona“, broj: 1/96, 10/00, 10/00, 8/04 i 10/04), Skupština Zeničko-dobojskog kantona, na 36. sjednici, održanoj dana 07.05.2013. godine, donijela je:

ZAKON

O UTVRĐIVANJU I OBILJEŽAVANJU DANA ZENIČKO-DOBOJSKOG KANTONA

Član 1.

(Predmet)

U cilju obilježavanja dana Zeničko-dobojskog kantona (u daljnjem tekstu: Dan Kantona), 29. avgust proglašava se Danom Kantona kao datum kada je potpisana Povelja Kulina bana kojim se potvrđuje dugogodišnja opstojnost bosanske državnosti.

Član 2.

(Obilježavanje Dana Kantona)

Dan Kantona obilježava se održavanjem svečane sjednice Skupštine Zeničko-dobojskog kantona (u daljnjem tekstu: Skupština) prezentiranjem građanima, na prigodan način, dostignuća Zeničko-dobojskog kantona u pretho-

dnom periodu; održavanjem časa historije o Kulinu banu u školama Kantona na prvom školskom času nastupajuće školske godine; održavanjem drugih prigodnih humanitarnih, kulturnih i sportskih manifestacija i dodjeljivanjem javnih priznanja u skladu sa Zakonom o javnim priznanjima Zeničko-dobojskog kantona što će se utvrditi posebnim Programom obilježavanja Dana Kantona.

Član 3.

(Program obilježavanja Dana Kantona)

Program obilježavanja Dana Kantona (u daljem tekstu: Program) donosi Vlada Zeničko-dobojskog kantona svake godine.

Nacrt Programa sačinjavaju Komisija za ravnopravnost spolova, ljudska prava i građanske slobode, Komisija za boračka i invalidska pitanja i Komisija za mlade na prijedlog kantonalnih ministarstava i drugih tijela kantonalne uprave.

Nacrt Programa sadrži: naziv programa, mjesto i vrijeme održavanja i nosioca aktivnosti-organizatora i dostavlja se Vladi Zeničko-dobojskog kantona najkasnije do 01. juna tekuće godine. Program potvrđuje Skupština Zeničko-dobojskog kantona najkasnije do 31. jula tekuće godine.

Član 4.

(Stupanje na snagu)

Ovaj Zakon stupa na snagu osmog dana od dana objavljivanja u "Službenim novinama Zeničko-dobojskog kantona".

Broj: 01-02-10489/13

Datum, 07.05.2013. godine

Zenica

PREDSJEDAVALJUĆI

Sretko Radišić, s.r.

155.

Na osnovu člana 37. tačka f) Ustava Zeničko-dobojskog kantona („Službene novine Federacije BiH“, broj: 7/96, „Službene novine Zeničko-dobojskog kantona“, broj: 1/96, 10/00, 10/00, 8/04 i 10/04), Skupština Zeničko-dobojskog kantona, na 36. sjednici, održanoj dana 07.05.2013. godine, donijela je:

ZAKON O JAVNIM PRIZNANJIMA ZENIČKO- DOBOJSKOG KANTONA

Član 1.

(Predmet)

Ovim Zakonom utvrđuju se javna priznanja Zeničko-dobojskog kantona (u daljnjem tekstu: Kanton) i utvrđuju

uvjeti i način dodjele javnih priznanja Kantona.

Član 2.

(Vrste javnih priznanja)

- (1) Javna priznanja Kantona (u daljnjem tekstu: Javno priznanje) su Počasni građanin Kantona i Plaketa Kantona.
- (2) Javna priznanja iz prethodnog stava dodjeljuju se u obliku povelje, odnosno plakete, o čijem izgledu, na osnovu javnog konkursa, odlučuje Odbor za javna priznanja Zeničko-dobojskog kantona (u daljnjem tekstu: Odbor).
- (3) Jedinice lokalne samouprave mogu svojom odlukom utvrditi javna priznanja.

Član 3.

(Inicijativa i uslovi za Počasnog građanina Kantona)

- (1) Inicijativu za proglašenje Počasnim građaninom Kantona, na osnovu javnog poziva, mogu podnijeti poslanici, udruženja, fondacije i pojedinci, a podnosi se Vladi Kantona i poslanicima, koji prijedlog za proglašenje Počasnog građanina Kantona upućuju Odboru.
- (2) Skupština proglašava Počasnim građaninom strane državljane koji su se istakli naročitim zaslugama u davanju podrške pravednoj borbi za odbranu Bosne i Hercegovine od agresije, razvijanju međunarodne saradnje, razvijanju međuljudskih odnosa na načelima solidarnosti, demokratičnosti, humanosti i toleranciji među ljudima različite nacije, vjere, kulture i dr.
- (3) Počasnog građaninu dodjeljuje se Povelja Kantona (u daljnjem tekstu: Povelja).

Član 4.

(Inicijativa i uslovi za Plaketu Kantona)

- (1) Plaketa Kantona (u daljnjem tekstu: Plaketa) dodjeljuje se kao priznanje za doprinos razvoju Kantona u oblasti privrede, nauke, medicine, sporta, društvenih djelatnosti i umjetnosti.
- (2) Plaketa se dodjeljuje pojedincima i kolektivima.
- (3) Javno priznanje iz stava 1. ovog člana može se dodijeliti i posthumno.
- (4) Plaketa se dodjeljuje svake godine.

Član 5.

(Pravo predlaganja Javnog priznanja)

Pravo predlaganja Javnog priznanja iz člana 3. i 4. ovog Zakona, imaju preduzeća, ustanove, političke organizacije,

OBRAZAC IZJAVA O FISKALNOJ PROCJENI

A 1. Obradivač propisa		Obrazac IFP NE	
Razdjel	KOD	NAZIV	
	10010001	SKUPŠTINA KANTONA	
B 2. Osnovni podaci o prijedlogu propisa			
Vrsta propisa/akta	Zakon	Odluka	Strategija
	Uredba	DA NE	NE NE
Naziv propisa/akta		Drugi akti	Drugi akti planiranja
		NE NE	NE NE


C 3. Izjava o nepostojanju dodatnih fiskalnih efekata predloženog propisa

Donošenje Zakona o izmjeni Zakona o utvrđivanju i obilježavanju Dana Zeničko-dobojskog kantona neće imati fiskalne posljedice na Budžet za 2026. godinu u smislu obezbjeđivanja dodatnih budžetskih sredstava, osim planiranih.

D 4. Pečat i potpis odgovornog lica obradivača, odnosno predlagača propisa

Mjesto i datum

Zenica, dana 11.03.2026. godine





Broj: 07-02-23056-1/25
Zenica, 11.03.2026. godine

PREMIJER

PREDMET: Mišljenje na Prijedlog Zakona o izmjeni Zakona o utvrđivanju i obilježavanju
Dana Zeničko-dobojskog kantona - *dostavlja se*

Ministarstvo finansija je razmotrilo Prijedlog Zakona o izmjeni Zakona o utvrđivanju i obilježavanju Dana Zeničko-dobojskog kantona, koji je dostavljen na mišljenje uz akt Premijera Zeničko-dobojskog kantona, broj: 02-02-23056-1/25 od 11.03.2026. godine, te u skladu sa članom 8. Pravilnika o proceduri izrade izjave o fiskalnoj procjeni zakona, drugih propisa i akata planiranja na budžet („Službene novine Federacije BiH“, broj: 34/16 i 15/18) i članom 31. stav (1) tačka c) Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 10/21), u pogledu finansijskih sredstava potrebnih za izvršenje ovog propisa, odnosno o fiskalnoj procjeni propisa, daje slijedeće

MIŠLJENJE

Članom 5. stav 2. Zakona o budžetima u Federaciji BiH („Službene novine FBiH“, broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25a/22, 7/25 i 6/26), propisano je da „propisi koji imaju finansijske posljedice na budžet moraju biti obrazloženi, odnosno opravdani analizom troškova i koristi“, a članom 42. stav 1. istog Zakona, propisano je da „prijedlozi zakona, uredbi i drugih propisa koje Vlada donosi ili predlaže donošenje Parlamentu moraju sadržavati procjenu finansijskih efekata na budžet.“

Članom 21. stav 2. Zakona o organizaciji organa uprave u Federaciji BiH («Službene novine Federacije BiH», broj: 35/05), propisano je da „ako se za provođenje zakona ili drugog propisa koji se predlažu moraju osigurati određena finansijska sredstva, organi uprave obavezni su u obrazloženju tog propisa iskazati orijentacijski iznos finansijskih sredstava koja su potrebna za njegovo izvršavanje i odrediti izvore iz kojih treba osigurati ta sredstva.“

Članom 30. stav (1) Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 10/21), propisano je da obrazloženje propisa, između ostalog sadrži „visinu i izvor finansijskih sredstava potrebnih za provođenje propisa“, a članom 63. stav (1) Jedinstvenih pravila za izradu pravnih propisa u Zeničko-dobojskom kantonu („Službene novine Zeničko-dobojskog kantona“, broj: 5/08), propisano je da: „Obrazloženje finansijskih sredstava sadrži procjenu potrebnih sredstava, izvora i metoda osiguranja tih sredstava za provođenje propisa.“

U dostavljenom Obrazloženju Prijedloga Zakona o izmjeni Zakona o utvrđivanju i obilježavanju Dana Zeničko-dobojskog kantona je između ostalog navedeno da za provođenje navedenog Zakona „neće biti potrebna dodatna sredstva u Budžetu Zeničko-dobojskog kantona za 2026. godinu, osim planiranih sredstava, a u slučaju potrebe za dodatnim sredstvima nosioci obilježavanja su dužni ista obezbjediti unutrašnjim preraspodjelama“.

Također, u Izjavi o fiskalnoj procjeni – Obrazac IFP-NE od 11.03.2026. godine, navedeno je:

„Donošenje Zakona o izmjeni Zakona o utvrđivanju i obilježavanju Dana Zeničko-dobojskog kantona neće imati fiskalne posljedice na Budžet za 2026. godinu u smislu obezbjeđivanja dodatnih budžetskih sredstava, osim planiranih“.

Imajući u vidu odredbe Zakona o budžetima u Federaciji BiH, obim preuzimanja obaveza od strane Budžeta Zeničko-dobojskog kantona po osnovu ovoga Prijedloga Zakona, može se vršiti samo do iznosa planiranog za navedene namjene u Budžetu Zeničko-dobojskog kantona za 2026. godinu i u Budžetima Kantona za naredne budžetske godine.

Odredbama člana 25. stav (2) Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 10/21), propisano je:

„Predlagač materijala je odgovoran da prijedlog materijala koji se dostavlja radi razmatranja na sjednicama Vlade bude u skladu sa Ustavom, važećim zakonima i provedbenim propisima.“

S tim u vezi, Ministarstvo finansija ne snosi odgovornost za pravna rješenja predložena od strane obrađivača u dostavljenom Prijedlogu Zakona.

U slučaju eventualne potrebe za dodatnim sredstvima za provedbu navedenog Prijedloga Zakona, nedostajuća finansijska sredstva kroz uštede i unutrašnje preraspodjele sredstava, obavezni su obezbijediti nosioci obilježavanja Dana Zeničko-dobojskog kantona.


Imajući u vidu gore navedeno Obrazloženje Prijedloga Zakona i dostavljenu Izjavu o fiskalnoj procjeni, Ministarstvo finansija nema drugih sugestija iz svoje nadležnosti.

S poštovanjem!

Dostavljeno:

1x Naslovu,

1x a/a.



MINISTRICA

Dženana Čišija



Broj: 06/02-02-23056-1/25
Zenica, 12.03.2026. godine

URED PREMIJERA ZENIČKO-DOBOJSKOG KANTONA

PREDMET: Mišljenje na Prijedlog Zakona o izmjeni Zakona o utvrđivanju i obilježavanju Dana Zeničko-dobojskog kantona, dostavlja se
Veza vaš akt broj: 02-02-23056-1/25 od 11.03.2026. godine

U skladu s članom 11. Zakona o kantonalnim ministarstvima i drugim tijelima kantonalne uprave („Službene novine Zeničko-dobojskog kantona“, broj: 10/15 i 8/22) i članom 31. stav (1) tačka b) Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 10/21), a na osnovu uvida u Prijedlog Zakona o izmjeni Zakona o utvrđivanju i obilježavanju Dana Zeničko-dobojskog kantona (u daljem tekstu: Prijedlog Zakona), a u postupku pravne analize istog provedene s ciljem utvrđivanja usklađenosti sa:

- Zakonom o prekršajima („Službene novine Federacije Bosne i Hercegovine“, br. 63/14 i „Sl. glasnik BiH“, br. 41/22 - odluka US BiH i 68/22 - odluka US BiH „Službene novine Federacije Bosne i Hercegovine“, broj: 19/25),
- Zakonom o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj: 35/05),
- Zakonom o kantonalnim ministarstvima i drugim tijelima kantonalne uprave („Službene novine Zeničko-dobojskog kantona“, broj: 10/15 i 8/22),
- Europskom konvencijom o zaštiti ljudskih prava i sloboda i drugim pravima, te drugim instrumentima zaštite ljudskih prava, koji imaju pravnu snagu ustavnih odredaba, daje se:

MIŠLJENJE

U skladu sa članom 11. Zakona o kantonalnim ministarstvima i drugim tijelima kantonalne uprave, a u postupku davanja Mišljenja na dostavljeni akt broj i datum gornji Ministarstvo za pravosuđe i upravu, sa aspekta svoje nadležnosti, nema primjedbi.

Dostaviti:
☒ Naslovu,
1x a/a.



MINISTAR

Bojša Nikolić



Broj: 03-02-23056-2/25
Zenica, 12.03.2026. godine

**URED PREMIJERA
ZENIČKO-DOBOJSKOG KANTONA**

PREDMET: Mišljenje o Prijedlogu Zakona o izmjeni Zakona o utvrđivanju i obilježavanju Dana Zeničko-dobojskog kantona- dostavlja se

- *Veza Vaš akt broj: 02-02-23056-1/25 od 11.03.2026. godine -*

U skladu sa članom 2. Uredbe o Sekretarijatu za zakonodavstvo Vlade Zeničko-dobojskog kantona («Službene novine Federacije BiH» broj 8/96 i «Službene novine Zeničko-dobojskog kantona» broj: 2/05) i članom 31. stav (1) tačka a) Poslovnika o radu Vlade Zeničko-dobojskog kantona («Službene novine Zeničko – dobojskog kantona» broj: 10/21), te na osnovu uvida u tekst Prijedloga Zakona o izmjeni Zakona o utvrđivanju i obilježavanju Dana Zeničko-dobojskog kantona, u postupku koji se odnosi na utvrđivanje usklađenosti istog sa Ustavom, pravnim sistemom i metodološkim jedinstvom u izradi propisa dostavljamo vam slijedeće

MIŠLJENJE

Ustavni osnov Prijedloga Zakona o izmjeni Zakona o utvrđivanju i obilježavanju Dana Zeničko-dobojskog kantona (u daljem tekstu: Prijedlog Zakona) je pravilno utvrđen.

Prijedlog Zakona je usklađen s pravnim sistemom iz ove oblasti i u nomotehničkom smislu urađen u skladu sa Jedinstvenim pravilima za izradu pravnih propisa u Zeničko-dobojskom kantonu („Službene novine Zeničko-dobojskog kantona“ broj 5/08). Napominjemo da je Vlada Kantona na 119. sjednici održanoj dana 27.02.2026. godine utvrdila Prijedlog Zakona o izmjeni i dopuni Zakona o obilježavanju značajnih datuma kojim je izmijenjen član 8. stav (3) osnovnog teksta Zakona, čime se izvršava konačno usklađivanje i usaglašavanje ovih propisa.

O prijedlogu da se Zakon donese po skraćenom postupku, odlučivat će se na sjednici Skupštine Kantona, kao o prethodnom pitanju, u okviru rasprave o dnevnom redu, shodno članu 140. stav 3. Poslovnika Skupštine Zeničko-dobojskog kantona – Četvrti prečišćeni tekst („Službene novine Zeničko-dobojskog kantona, broj: 5/24 i 8/25).

Imajući u vidu naprijed navedeno, mišljenja smo da se Prijedlog Zakona može uputiti u dalju proceduru.

Dostavljeno:
1x naslovu,
1x a/a.

